



# ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

25.10.2016թ.

## Ո Ր Ո Շ ՈՒ Մ

### ՀՀ գնումների բողոքարկման խորհրդի

ՍՅ-13/16

ՀՀ գնումների բողոքարկման խորհրդի (այսուհետ նաև՝ Խորհուրդ) քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 17.03.2016թ. թիվ 1/73-1/9994-16 գրությամբ ներկայացված «ՔՐԱՈՒՆ ՔԵՄԻՔԱԼ» ՍՊԸ-ին (ՀՎՀՀ՝ 02528582) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՅ-ԳԲԽ-13/16 բողոք), ինչպես նաև ՍՅ-ԳԲԽ-13/16 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 18.10.2016թ. ներկայացրած եզրակացությունը, պարզեց.

#### **1. ՀՀ ֆինանսների նախարարության ներկայացրած պահանջը**

ՀՀ ֆինանսների նախարարությունը, «Հայկական ատոմային էլեկտրակայան» ՓԲԸ-ի (այսուհետ նաև՝ Պատվիրատու) 29.06.2015թ. թիվ 40-807 գրության հիման վրա, 01.07.2015թ. թիվ 1/73-1/17159-15 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել «ՔՐԱՈՒՆ ՔԵՄԻՔԱԼ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված կազմակերպությանը Ցուցակում ներառելու համար:

Կենտրոնը 11.03.2016թ. թիվ 01/04.1/888-16 գրությամբ «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է



եզրակացություն, որով արձանագրել է, որ «ՔՐԱՈՒՆ ՔԵՄԻՔԱԼ» ՍՊԸ-ի կողմից 21.05.2015թ. հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

Կենտրոնը, միաժամանակ տեղեկացրել է, որ խախտումը թույլ տալու պահից (21.05.2015թ.) հաշված մեկ տարվա ընթացքում Ընկերության կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում «ՔՐԱՈՒՆ ՔԵՄԻՔԱԼ» ՍՊԸ-ն կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

Սակայն, ՀՀ ֆինանսների նախարարությունը 17.03.2016թ. թիվ 1/73-1/9994-16 գրությամբ հանձնարարել է Կենտրոնին նախաձեռնել «ՔՐԱՈՒՆ ՔԵՄԻՔԱԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

Այնուհետև, Նախարարությունը 14.07.2016թ. թիվ 1/73-3/18362-16 գրությամբ տրամադրել է տեղեկատվություն, համաձայն որի՝ «ՔՐԱՈՒՆ ՔԵՄԻՔԱԼ» ՍՊԸ-ն 27.05.2015թ. մասնակցելու նպատակով հայտ է ներկայացրել «Հայքրմուդկոյուղի» ՓԲԸ-ի կողմից կազմակերպված «ՀՀԳՆԶՏՊԿ-ՀԶԿԸ-ՇՀԱՊՁԲ-15/6-15/24» ծածկագրով ընթացակարգին:

## **2. «ՔՐԱՈՒՆ ՔԵՄԻՔԱԼ» ՍՊԸ-ի ներկայացրած փաստարկները և դիրքորոշումը**

«ՔՐԱՈՒՆ ՔԵՄԻՔԱԼ» ՍՊԸ-ն 08.10.2015թ. գրությամբ Կենտրոնին հայտնել է, որ Ընկերությունը հայտը ներկայացնելու օրվա դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ:

## **3. «Հայկական ատոմային էլեկտրակայան» ՓԲԸ-ի ներկայացրած փաստարկները և դիրքորոշումը**



«Հայկական ատոմային էլեկտրակայան» ՓԲԸ-ն 29.06.2015թ. թիվ 40-807 գրությամբ ներկայացրել է «ՀԱԷԿ-ՇՀԱՊՁԲ-15/15» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող բոլոր անհրաժեշտ փաստաթղթերը:

#### **4. ՍՑ-ԳԲԽ-13/16 բողոքի վերաբերյալ «Գնումների աջակցման կենտրոն»**

##### **ՊՈԱԿ-ի դիրքորոշումը**

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 18.10.2016թ. եզրակացությունը և առաջարկել է ՀՀ ֆինանսների նախարարության 17.03.2016թ. թիվ 1/73-1/9994-16 գրությամբ ներկայացված «ՔՐԱՈՒՆ ՔԵՄԻՔԱԼ» ՍՊԸ-ին (ՀՎՀՀ՝ 02528582) ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված վեց ամիս ժամկետով:

#### **5. ՍՑ-ԳԲԽ-13/16 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը**

ՀՀ ֆինանսների նախարարության 17.03.2016թ. թիվ 1/73-1/9994-16 գրությամբ ներկայացված «ՔՐԱՈՒՆ ՔԵՄԻՔԱԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. «ՔՐԱՈՒՆ ՔԵՄԻՔԱԼ» ՍՊԸ-ն «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՇՀԱՊՁԲ-15/15» ծածկագրով շրջանակային համաձայնագրերի միջոցով գնում կատարելու ընթացակարգին (այսուհետ նաև՝ Ընթացակարգ) մասնակցելու նպատակով 21.05.2015թ. ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա



դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

2. Համաձայն ՀՀ ֆինանսների նախարարության կողմից տրամադրված եզրակացության՝ Ընկերությունը Ընթացակարգին մասնակցության հայտը ներկայացնելու (21.05.2015թ.) օրվա դրությամբ ունեցել է ժամկետանց հարկային պարտավորություն 3,522,295 ՀՀ դրամի չափով:

3. «ՔՐԱՈՒՆ ՔԵՄԻՔԱԼ» ՍՊԸ-ն 08.10.2015թ. գրությամբ Կենտրոնին հայտնել է, որ Ընկերությունը ժամկետանց հարկային պարտավորություններ չի ունեցել:

4. «Գնումների աջակցման կենտրոն» ՊՈԱԿ-ը 01.03.2016թ. թիվ 01/04.1/740-16 գրությամբ դիմել է ՀՀ ֆինանսների նախարարությանը և խնդրել «ՔՐԱՈՒՆ ՔԵՄԻՔԱԼ» ՍՊԸ-ին Ցուցակում ներառելու հարցն ուսումնասիրելու նպատակով Կենտրոնին հայտնել տեղեկատվություն Ընկերության կողմից 21.05.2015թ. (հայտը ներկայացնելու օրվա) դրությամբ ժամկետանց հարկային պարտավորություններ ունենալու վերաբերյալ:

5. ՀՀ ֆինանսների նախարարությունը 04.03.2016թ. թիվ 1/73-1/8359-16 գրությամբ Կենտրոնին է ներկայացրել ՀՀ ֆինանսների նախարարության Կենտրոնի տարածքային հարկային տեսչության գրության պատճենը, որի համաձայն «ՔՐԱՈՒՆ ՔԵՄԻՔԱԼ» ՍՊԸ-ն 21.05.2015թ. դրությամբ (հայտ ներկայացնելու օրվա դրությամբ) ՀՀ պետական բյուջեի նկատմամբ ունեցել է 3311128 ՀՀ դրամ ժամկետանց հարկային պարտավորություն:

6. Կենտրոնը 11.03.2016թ. թիվ 01/04.1/888-16 գրությամբ «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով արձանագրել է, որ «ՔՐԱՈՒՆ ՔԵՄԻՔԱԼ» ՍՊԸ-ի կողմից 21.05.2015թ. հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

Կենտրոնը, միաժամանակ տեղեկացրել է, որ խախտումը թույլ տալու պահից (21.05.2015թ.) հաշված մեկ տարվա ընթացքում Ընկերության կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում «ՔՐԱՈՒՆ



ՔԵՄԻՔԱԼ» ՍՊԸ-ն կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

7. ՀՀ ֆինանսների նախարարությունը 17.03.2016թ. թիվ 1/73-1/9994-16 գրությամբ հանձնարարել է Կենտրոնին նախաձեռնել «ՔՐԱՈՒՆ ՔԵՄԻՔԱԼ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

8. Նախարարությունը 14.07.2016թ. թիվ 1/73-3/18362-16 գրությամբ Կենտրոնի տրամադրել է տեղեկատվություն, համաձայն որի՝ «ՔՐԱՈՒՆ ՔԵՄԻՔԱԼ» ՍՊԸ-ն 27.05.2015թ. մասնակցելու նպատակով հայտ է ներկայացրել «Հայջրմուղկոյուղի» ՓԲԸ-ի կողմից կազմակերպված «ՀՀԳՆԶՏՊԿ-ՀԶԿԸ-ՇՀԱՊԶԲ-15/6-15/24» ծածկագրով ընթացակարգին:

## **6. Խորհրդի հիմնավորումները և եզրահանգումը**

Խորհուրդը, ուսումնասիրելով «Հայկական ատոմային էլեկտրակայան» ՓԲԸ-ն 29.06.2015թ. թիվ 40-807 գրությունը և կից փաստաթղթերը, «ՔՐԱՈՒՆ ՔԵՄԻՔԱԼ» ՍՊԸ-ն 08.10.2015թ. գրությունը, Նախարարության 14.07.2016թ. թիվ 1/73-3/18362-16 գրությունը և կից փաստաթղթերը՝ հայտնում է հետևյալը.

«Գնումների մասին» ՀՀ օրենքի 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:



«Հ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է՝ իր կողմից հաստատված հայտարարություն՝ օրենքով նախատեսված մասնակցության իրավունքի և հրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ Հայաստանի Հանրապետության ֆինանսների նախարարությունը նույն կարգի 47-րդ կետի 1-ին ենթակետով նախատեսված հարցումն ստանալու օրվան հաջորդող երկու աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին եզրակացություն: Նույն կետով սահմանված ժամկետում Հայաստանի Հանրապետության ֆինանսների նախարարությունից եզրակացության չստացման դեպքում մասնակցի ներկայացրած հայտարարությունը համարվում է իրականությանը համապատասխանող: Եթե տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

- 1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և
- 2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի



կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

«ՔՐԱՈՒՆ ՔԵՄԻՔԱԼ» ՍՊԸ-ն «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՇՀԱՊՁԲ-15/15» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով 21.05.2015թ. ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

Մինչդեռ, ՀՀ ֆինանսների նախարարությունը 04.03.2016թ. թիվ 1/73-1/8359-16 գրությամբ Կենտրոնին է ներկայացրել ՀՀ ֆինանսների նախարարության Կենտրոնի տարածքային հարկային տեսչության գրության պատճենը, որի համաձայն **«ՔՐԱՈՒՆ ՔԵՄԻՔԱԼ» ՍՊԸ-ն 21.05.2015թ. դրությամբ (հայտ ներկայացնելու օրվա դրությամբ) ՀՀ պետական բյուջեի նկատմամբ ունեցել է 3 311 128 ՀՀ դրամ ժամկետանց հարկային պարտավորություն ՀՀ պետական բյուջեի նկատմամբ:**

Կենտրոնը 11.03.2016թ. թիվ 01/04.1/888-16 գրությամբ «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով արձանագրել է, որ «ՔՐԱՈՒՆ ՔԵՄԻՔԱԼ» ՍՊԸ-ի կողմից 21.05.2015թ. հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

Կենտրոնը, միաժամանակ տեղեկացրել է, որ խախտումը թույլ տալու պահից (21.05.2015թ.) հաշված մեկ տարվա ընթացքում Ընկերության կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում «ՔՐԱՈՒՆ ՔԵՄԻՔԱԼ» ՍՊԸ-ն կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

Այնուհետև, Նախարարությունը 14.07.2016թ. թիվ 1/73-3/18362-16 գրությամբ Կենտրոնին տրամադրել է տեղեկատվություն, համաձայն որի՝ «ՔՐԱՈՒՆ ՔԵՄԻՔԱԼ»



ՍՊԸ-ն **27.05.2015թ.** մասնակցելու նպատակով հայտ է ներկայացրել «Հայջրմուղկոյուղի» ՓԲԸ-ի կողմից կազմակերպված «ՀՀԳՆՋՏՊԿ-ՀՋԿԸ-ՇՀԱՊՁԲ-15/6-15/24» ծածկագրով ընթացակարգին:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե **հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:**

Այսպիսով, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «բ» ենթակետերով նախատեսված և մասնակցին վերագրվող խախտման առկայությունը,

- խախտումը թույլ տալու պահից մեկ տարվա ընթացքում մասնակցի կողմից մրցակցային գործընթացին մասնակցելու համար հայտ ներկայացրած լինելու հանգամանքը:

Հետևաբար, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում «ՔՐԱՈՒՆ ՔԵՄԻՔԱԼ» ՍՊԸ-ի ներառելու համար անհրաժեշտ է, որ նույն կետով սահմանված և **Ընկերությանը վերագրվող խախտում թույլ տալու պահից մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ**, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Խորհուրդը արձանագրում է, որ «ՔՐԱՈՒՆ ՔԵՄԻՔԱԼ» ՍՊԸ-ի վերաբերյալ միաժամանակ առկա են Օրենքի 5-րդ հոդվածի 1-ին մասի 4-րդ կետով նախատեսված Ցուցակում ներառելու երկու հիմքերը, քանի որ Ընկերությունը **21.05.2015թ.** մասնակցելով «ՀԱԷԿ-ՇՀԱՊՁԲ-15/15» ծածկագրով շրջանակային համաձայնագրերի միջոցով գնում կատարելու ընթացակարգին, ներկայացրել է կեղծ տվյալ՝ թույլ տալով Օրենքի 5-րդ հոդվածի 1-ին մասի 4-րդ կետի «բ» ենթակետի խախտում և **27.05.2015թ.** կրկին հայտ է ներկայացրել «Հայջրմուղկոյուղի» ՓԲԸ-ի կողմից



կազմակերպված «ՀՀԳՆԶՏՊԿ-ՀԶԿԸ-ՇՀԱՊՁԲ-15/6-15/24» ծածկագրով շրջանակային համաձայնագրերի միջոցով գնում կատարելու ընթացակարգին:

Կարգի 125-րդ կետի 1-ին ենթակետի համաձայն՝ Օրենքի 5-րդ հոդվածի 2-րդ մասով նախատեսված՝ գնումների բողոքարկման խորհրդի ընդունած որոշման հիման վրա մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է՝ **6 ամիս ժամկետով**, եթե ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որի հետևանքով տուժանքի, հաշվարկված վնասի, տույժի կամ տուգանքի չափը չի գերազանցում գնումների բազային միավորը և մինչև բողոքարկման խորհրդի կողմից համապատասխան որոշում ընդունվելը՝ պատճառված վնասը, հաշվարկված տույժը կամ տուժանքը վերականգնվել է կամ, **եթե Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ունեցել է ժամկետանց հարկային պարտավորություններ** կամ որակավորման չափանիշների, իսկ ապրանքների գնման դեպքում՝ նաև տեխնիկական բնութագրերի գնահատման արդյունքում այդ որակավորման չափանիշները կամ տեխնիկական բնութագրերը որակվել են որպես մասնակցի կողմից ներկայացված հայտարարություններին չհամապատասխանող:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

### Ո Ր Ո Շ Ե Ց

ՀՀ ֆինանսների նախարարության 17.03.2016թ. թիվ 1/73-1/9994-16 գրությամբ ներկայացված «ԲՐԱՈՒՆ ՔԵՄԻՔԱԼ» ՍՊԸ-ին (ՀՎՀՀ՝ 02528582) ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված վեց ամիս ժամկետով:

ՀՀ գնումների բողոքարկման խորհրդի որոշումն իրավապարտադիր է:



